

Na osnovu, člana 3. Zakona o ustanovama ("Službeni list RBiH", br. 6/92, 8/93 i 13/94), člana 15. Zakona o sportu ("Službene novine Kantona Sarajevo", broj 11/01) i člana 10. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Dvadeset drugoj redovnoj sjednici održanoj dana 24.07.2014. godine, donijelo

ODLUKU

O IZMJENAMA I DOPUNAMA ODLUKE O PROMJENI OBLIKA ORGANIZOVANJA JAVNOG PREDUZEĆA "CENTAR ZA SPORT I REKREACIJU" SARAJEVO U JAVNU USTANOVU

Član 1.

U članu 11. Odluke o promjeni oblika organizovanja Javnog preduzeća "Centar za sport i rekreaciju" Sarajevo u Javnu ustanovu ("Službene novine Kantona Sarajevo", br. 27/02, 31/07 i 2/08) tekst: "Predsjednika i članove Upravnog odbora imenuje Općinski načelnik na period od četiri godine."

Mijenja se i glasi:

"Predsjednika i članove Upravnog odbora imenuje Općinski načelnik na period od četiri godine, uz prethodnu saglasnost Općinskog vijeća."

Iza navedenog teksta stava (2) dodaju se novi stavovi (3) i (4) koji glase:

"(3) Nakon provedenog javnog konkursa Općinski načelnik podnosi Općinskom vijeću prijedlog sastava Upravnog odbora radi davanja saglasnosti prije donošenja odluke Općinskog načelnika o imenovanju članova ovog organa.

(4) Ukoliko Općinsko vijeće dva puta uzastopno ne podrži prijedlog Općinskog načelnika o sastavu Upravnog odbora, koji je dužan drugi put predložiti najmanje 60% različitih kandidata, onda će Općinski načelnik imenovati privremeni Upravni odbor na period do šest mjeseci i dužan je raspisati novi konkurs."

Dosadašnji stav (3) postaje stav (5).

Član 2.

Iza člana 11. dodaje se novi član 11 a. koji glasi:

"Predsjednik i članovi Upravnog odbora mogu biti razriješeni i prije isteka mandata za koji su imenovani u slijedećim slučajevima:

- a) na njegov lični zahtjev;
- b) ako se utvrdi da je odgovoran za neuspješan rad ili nezakonit rad Javne ustanove;
- c) u slučaju da Općinsko vijeće ne usvoji Izvještaj o radu i finansijski izvještaj;
- d) ako članu Upravnog odbora, koji je imenovan iz reda stručnih zaposlenika Javne ustanove prestane radni odnos u Javnoj ustanovi;

- e) u drugim slučajevima utvrđenim zakonom i Pravilima ustanove."

Član 3.

Iza člana 12, dodaje se novi član 12.a koji glasi:

"U slučaju ne usvajanja Izvještaja o radu i finansijskog izvještaja od strane Općinskog vijeća, obavezno se razrješava predsjednik i članovi Upravnog odbora."

Član 4.

U članu 13. stav (1) iza navedenog teksta briše se interpunkcijski znak tačka i dopunjuje tekstem "uz prethodnu saglasnost Općinskog vijeća".

Iza stava (1) dodaju se novi stavovi (2) i (3) koji glase:

"(2) Nakon provedenog javnog konkursa Općinski načelnik podnosi Općinskom vijeću prijedlog sastava Nadzornog odbora radi davanja saglasnosti prije donošenja odluke Općinskog načelnika o imenovanju članova ovog organa.

(3) Ukoliko Općinsko vijeće dva puta uzastopno ne podrži prijedlog Općinskog načelnika o sastavu Nadzornog odbora, koji je dužan drugi put predložiti najmanje 60% različitih kandidata, onda će Općinski načelnik imenovati privremeni Nadzorni odbor na period do šest mjeseci i dužan je raspisati novi konkurs."

Dosadašnji stav (2) postaje stav (4).

Član 5.

U članu 15. stav (2) mijenja se i glasi:

"Upravni odbor dužan je putem nadležne općinske službe, dostaviti Općinskom vijeću na usvajanje Program iz prethodnog stava najkasnije 30. oktobra tekuće godine, a izvještaj o radu i finansijski izvještaj tekuće godine najkasnije 31. januara naredne godine".

Član 6.

Obavezuje se Javna ustanova "Centar za sport i rekreaciju" Sarajevo da u roku od 30 dana od dana stupanja na snagu ove Odluke, uskladi svoja akta sa odredbama ove Odluke.

Član 7.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 01-49-1733/14
24. jula 2014. godine
Sarajevo

Predsjedavajući/po OV
broj 01-49-1137/14
Doc. dr. **Nedžad Ajnadžić**, s. r.

Ova odluka je objavljena na oglasnoj ploči Općine Centar Sarajevo dana 30.07.2014. godine.

OPĆINA NOVI GRAD SARAJEVO

Općinsko vijeće

Na osnovu čl. 40. i 47. Zakona o prostornom uređenju ("Službene novine Kantona Sarajevo", broj 7/05) i čl. 20. i 33. Statuta Općine Novi Grad ("Službene novine Kantona Sarajevo", br. 30/09 - Novi prečišćeni tekst), Općinsko vijeće Novi Grad Sarajevo, na 19. sjednici održanoj dana 24.07.2014. godine, donijelo je

ODLUKU

O PROVOĐENJU URBANISTIČKOG PROJEKTA "SPORTSKO-REKREACIONI CENTAR - DOBRINJA"

Član 1.

Ovom Odlukom utvrđuju se uvjeti korištenja, uređenja, zaštite prostora i način provođenja Urbanističkog projekta "Sportsko-rekreacioni centar - Dobrinja" (u daljem tekstu: Plan), a naročito granice obuhvata, urbanističko-tehnički uvjeti za izgradnju građevina, uvjeti uređenja građevinskog zemljišta, uvjeti uređenja vodotoka Dobrinja, uvjeti korištenja javnih površina, uvjeti uređenja zelenih i slobodnih površina, uvjeti pod

kojima se pojedine djelatnosti mogu obavljati u planiranom prostoru, te uvjeti uređenja površina za saobraćaj i saobraćaj u mirovanju.

Član 2.

Granica obuhvata polazi od četveromeđe parcela k.č. 3149/20, 1289/1, 1289/2 i 3171/1, zatim produžava na sjeverozapad idući međom parcele k.č. 3149/20 (staro korito rijeke Dobrinja) (obuhvata je), i dolazi u tačku br. 1 koja se nalazi na međi između parcela k.č. 3149/20 i 3171/1, a ima koordinate $y=6527714$, $x=4854321$, potom presijeca rijeku Dobrinju i dolazi u tromeđu parcela k.č. 1247/1, 1269/1 i 3149/20 (rijeka Dobrinja). Granica produžava na jugoistok idući međama parcela k.č. 3149/20, 1269/1 i 1270 i dolazi u tromeđu parcela k.č. 1271, 1270 i 3149/20, zatim nastavlja na jugozapad u dužini od 30 m i dolazi na tromeđu parcela k.č. 1271, 1270 i 3186, presijeca uređeno korito rijeke Dobrinje u dužini od 35 m i dolazi do tromeđe parcela k.č. 1273/2, 1274/2 i 3186, siječe pod uglom od 270° i ide desnom obalom uzvodno rijekom Dobrinjom u dužini od 92 m te ponovno lomi pod uglom od 270° , presijeca korito rijeke Dobrinje i dolazi na tromeđu parcela k.č. 1281/2, 1280/2 i 3186, nastavlja na jug granicom parcele 3149/20 dolazi u tromeđu parcela, odnosno mjesta odakle je opis granice i počeo.

Sve gore navedene parcele se nalaze u K.O. Dobrinja, Općina Novi Grad.

Granica obuhvata rađena je na katastarskim podlogama razmjere $R=1:1000$.

Površina obuhvata iznosi $P=0,84$ ha.

Član 3.

Površina obuhvaćena granicama opisanim u članu 2. namijenjena je za izgradnju sportsko - rekreacionog centra - kupališta sa pratećim sadržajima, sa sljedećim zonama:

1. Zona vodenih površina i sportskih terena (0,36 ha)
2. Zona ulazne partije sa saobraćajem u mirovanju (0,14 ha)
3. Zona javnih površina (0,34 ha)

Član 4.

Urbanističko - tehnički uvjeti za izgradnju građevina su:

- Regulacione linije, utvrđene ovim Planom se ne mogu mijenjati, a definisane su grafičkim prilogom br. 4 - Mreža građevinskih i regulacionih linija;
- Građevinske linije utvrđene su grafičkim dijelom Plana, grafičkim prilogom br. 4 - Mreža građevinskih i regulacionih linija, i ujedno označavaju liniju iskolčenja;
- Ne dozvoljava se dogradnja čvrstih isturenih dijelova objekta izvan Planom definisane građevinske linije objekta;
- Planirana spratnost i odstojanje građevinskih linija utvrđene su Planom i ne mogu se mijenjati;
- Svi objekti su spratnosti prizemlje (P);
- Završni vijenac prizemne etaže objekta kupališta ne prelazi visinu od 5 m;
- Krov objekta je ravni, organizovan u formi krovne terase, a koristi se kao sunčalište sa ugostiteljskim sadržajima;
- Kota prizemlja može biti maksimalno 15 cm od najniže kote uređene popločane površine koja iznosi 511,00 mnv;
- Objekti bazena moraju biti projektovani i izvedeni u skladu sa važećim normativima i propisima za ovu vrstu objekata;
- Prostor kupališta sa sportskim površinama je strogo kontrolisan i ograđen u tokom sezone kada se koristi za svoju osnovnu namjenu;
- Prelazak iz jednog u drugi dio plaže, kao i izlazak iz objekata u prostor bazena tretira se vodenim filterima;

- Ograda prema šetnici uz rijeku Dobrinju i prema ulici Senada Poturka mora biti djelomično transparentna i omogućavati vizure sa jedne strane na drugu;
- Ograde prema ulici Senada Poturka i uz istočnu granicu kompleksa mogu biti ozelenjene u skladu sa Idejnim projektom hortikulture, koji je sastavni dio ovog Plana;
- Ograda prema šetnici uz rijeku Dobrinju je montažno-demontažnog karaktera, te se van sezone kupanja može ukloniti i povezati prostor kupališta sa javnom površinom;
- Prostor oko bazena je višenamjenski i može se koristiti u potpunosti kao plaža, ili za postavljanje igrališta za odbojku na pijesku u jednom njegovom dijelu, te za postavljanje montažnih tribina;
- Ograda kojom se odvaja teren za odbojku na pijesku unutar kompleksa, također je montažno-demontažnog karaktera;
- Ploha dna bazena za plivače se van sezone kupanja može koristiti u druge namjene sportsko-rekreativnog karaktera (postavljanje klizališta ili neke druge adekvatne sportske plohe);
- Zbog sprečavanja oštećenja i povreda korisnika izvan sezone kupanja, površine bazenske kade i plaže je potrebno adekvatno zaštititi u zavisnosti od režima korištenja;
- Platforma iznad rijeke predstavlja proširenje površina društvenih sadržaja iznad vodnog pojasa. Gabariti platforme su 20×22 m. Postavljena je u nivou sa šetnicom i plažom bazena;
- Na platformi je predviđeno postavljanje objekata montažnog karaktera - paviljona. Paviljoni imaju funkciju organizovanja ugostiteljskih i trgovačkih sadržaja;
- Pod platforme je perforiran tako da omogućava pogled na rijeku kroz samu konstrukciju. Perforacije imaju kružni oblik i pokrivaju se transparentnim materijalima;
- Centralni dio platforme koristi se za igre na otvorenom i ugostiteljski mobilijar.

Član 5.

- Javne površine (zelene površine, parkirališta, pločnici i sl.) predviđene Planom ne mogu se zaposjedati drugim građevinama i sadržajima, sem onih predviđenih ovim Planom;
- Parkiranje organizovati na Planom utvrđenim parking prostorima;
- Na ulazima u kompleks, a u skladu sa prostornim mogućnostima, postaviti nosače za parkiranje bicikala;
- Pješačka kretanja rješavati na Planom utvrđenim površinama;
- U zonama pješačkih kretanja ne dozvoljava se parkiranje, a omogućava se kretanje vozila za interventni saobraćaj;
- Za površinsku obradu planiranih javnih pješačkih površina treba primjenjivati materijale koji su otporni na habanje, pogodni za kretanje u zimskim uslovima (klizanje) i podnose opterećenja neophodna za kretanje interventnih vozila;
- Urbanističko - arhitektonskim rješenjem za Planom propisano područje se tretira uređenje pješačkih površina i tretman urbanog mobilijara;
- Pješačke i druge javne površine se ne mogu izdvajati postavljanjem barijera ili prepreka, u cilju sprječavanja normalnog pješačkog toka;
- Svi planirani lokusi za sadnju stablašica moraju biti sastavni dio jedinstvenog rješenja uređenja kompleksa bazena i moraju biti adekvatno tretirani sa rešetkom u nivou popločanja;

- Drvored na lijevoj obali rijeke Dobrinje predstavlja dio planiranog linijskog sistema zelenila uz šetnicu i mora biti lociran tako da ne remeti osnovna kretanja pješaka;
- Uređenje zelenila realizovati prema Planu sadnje urađenom na osnovu Idejnog projekta hortikulture koji je sastavni dio ovog Urbanističkog projekta.

Član 6.

Uređenje građevinskog zemljišta se mora izvesti u obimu i na način kako je to predviđeno Planom. Izgradnja građevina se ne može započeti bez prethodnog minimalnog uređenja građevinskog zemljišta pod čime se podrazumijeva obezbjeđenje saobraćajnog pristupa parceli, priključenje na vodovodnu, kanalizacionu i elektroenergetsku mrežu, eventualno izmještanje vodova komunalne infrastrukture.

Član 7.

Saobraćajne površine, površine za parkiranje vozila utvrđene su fazom saobraćaja ovog Plana.

Parkiranje u okviru prostornih mogućnosti obuhvata će se obezbijediti uz postojeću saobraćajnicu Senada Poturka.

Za potrebe parkiranja korisnika planiranih objekata, koristiće se i površine za parkiranje smještene u neposrednoj blizini, van granica samog Urbanističkog projekta.

Član 8.

Uredaji koji su u funkciji obavljanja djelatnosti u građevini (ventilacije, dimnjaci, klima uredaji i sl.) moraju se smjestiti unutar osnovnog gabarita objekta, te svojim položajem, volumenom, oblikom i materijalom ne smiju narušiti izgled fasade objekta.

Član 9.

Planirani objekti i djelatnosti koje obavljaju, navedene u čl. 6 ove Odluke moraju biti projektovani u skladu sa Zakonom o zaštiti životne sredine.

Član 10.

U toku razrade i sprovođenja Plana primijeniti uslove iz Uredbe o urbanističko-tehničkim uvjetima, prostornim standardima i normativima za okupljanje i sprječavanje stvaranja arhitektonsko urbanističkih barijera za kretanje osoba sa umanjenom sposobnošću kretanja koja koriste tehnička i ortopedska pomagala ("Službene novine Kantona Sarajevo", broj 5/00). Nivelete pješačkih saobraćajnica kao prilazi i ulazi u sve objekte moraju biti isprojektovane i izvedene sa nagibima koji omogućavaju nesmetano kretanje osoba sa umanjenom sposobnošću kretanja, odnosno neophodno je obezbijediti odgovarajuće rampe, držače, posebno obilježena parking mjesta i sl.

Član 11.

Za osvjetljenje i iluminaciju građevina kao i površina i sadržaja vanjskog uređenja potrebno je uraditi idejne projekte.

Član 12.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-16921/14
25. jula 2014. godine
Sarajevo

Predsjedavajuća
Općinskog vijeća
Edina Gabela, s. r.

Na osnovu čl. 40. i 47. Zakona o prostornom uređenju ("Službene novine Kantona Sarajevo", broj 7/05) i čl. 20. i 33. Statuta Općine Novi Grad ("Službene novine Kantona Sarajevo", br. 30/09 - Novi prečišćeni tekst), Općinsko vijeće Novi Grad Sarajevo, na 19. sjednici održanoj dana 24.07.2014. godine, donijelo je

ODLUKU

**O USVAJANJU URBANISTIČKOG PROJEKTA
"SPORTSKO-REKREACIONI CENTAR - DOBRINJA"**

Član 1.

Usvaja se Urbanistički projekat "Sportsko-rekreacioni centar - Dobrinja" (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Odluka o provođenju Urbanističkog projekta "Sportsko-rekreacioni centar - Dobrinja";
- Tekstualni dio Plana.

Grafički dio sadrži:

- Urbanizam prezentiran na odgovarajućem broju tematskih karata i to:

Karta 1 - Izvod iz Izmjena i dopuna Regulacionog plana "Dobrinja"	R 1: 2000
Karta 2 - Postojeće stanje	R 1: 500
Karta 3 - Namjena površina	R 1: 500
Karta 4 - Arhitektonsko-urbanističko rješenje	R 1: 500
Karta 5 - Parterno rješenje	R 1: 500
Karta 6 - Mreža građevinskih i regulacionih linija	R 1: 500
Karta 7 - Idejni projekat hortikulture	R 1: 500

- Idejne projekte građevinskih objekata
- Idejni projekat saobraćaja sa nivelacijom
- Idejni projekat hortikulture
- Idejni projekat snabdijevanja vodom i odvođenja otpadnih voda
- Idejni projekat elektroenergetike i javne rasvjete
- Idejni projekat toplifikacije i gasifikacije
- Idejni projekat TK mreže

Član 3.


Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Novi Grad i Zavodu za planiranje razvoja Kantona Sarajevo.


Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".


Broj 01-02-16924/14
25. jula 2014. godine
Sarajevo

Predsjedavajuća
Općinskog vijeća
Edina Gabela, s. r.







POPREČNI PRESJEK



		IPSA REPORT
PROJEKT	IPSA-Strategie für die Kommunikation zwischen Unternehmen und Politik	Strategie für die
MAßNAHME	Einrichtung eines Projekts	
KONTAKTE	Optimierung der Kontakte	
ANFANG	1991 (1990-1991) (1991-1992)	
ORGANISATIONSPERSONEN	Dr. Peter Müller	
DAUER	10 bis 20 Jahre (bis 1995) (bis 1995) (bis 1995) (bis 1995)	
MAßSTAB	1000 bis 10000	1000 bis 10000
VERGLEICH	1000 bis 10000	1000 bis 10000

PODUZNI PRESJEK

[illegible]



[illegible]